



Broj: 09-02.2-14/09-62
Sarajevo, 07.12.2009. godine

01

1. **VLADA FEDERACIJE BIH**
N/r Premijera
2. **FEDERALNO MINISTARSTVO PROSTORNOG UREĐENJA**
N/r Ministra
3. **FEDERALNO MINISTARSTVO KULTURE I SPORTA**
N/r Ministra
4. **ZAVOD ZA ZAŠTITU SPOMENIKA U SASTAVU FEDERALNOG
MINISTARSTVA KULTURE I SPORTA**
N/r Direktora
5. **OPĆINE ILIDŽA, BIHAĆ, TUZLA, DONJI VAKUF, LIVNO, JABLANICA,
STARI GRAD SARAJEVO, VELIKA KLADUŠA, CENTAR SARAJEVO,
TRAVNIK I GRAČANICA**
 - Načelnik općine/Gradonačelnik
 - Općinski/Gradski organ uprave nadležan za poslove urbanizma i katastra

Predmet: Informacija o donesenim odlukama na 47. sjednici

Obavještavamo vas da je Komisija za očuvanje nacionalnih spomenika, u skladu sa odredbama Aneksa 8. Općeg okvirnog sporazuma za mir u Bosni i Hercegovini, primjenjujući Kriterije za proglašenje dobara nacionalnim spomenikom («Službeni glasnik BiH», br. 33/02 i 15/03), na 47. sjednici održanoj od 01. do 04. decembra 2009. godine u Sarajevu, donijela odluke o proglašenju nacionalnim spomenicima Bosne i Hercegovine za sljedeća dobra sa područja Federacije Bosne i Hercegovine:

1. Grobljanska cjelina – Mezarje Velika drveta (Stari nišani) na Stupu u Sarajevu, općina Ilidža, FBiH;
2. Pokretno dobro – Zbirka umjetničkih djela Jovana Bijelića u Muzeju Unsko-sanskog kantona u Bihaću, FBiH;
3. Pokretno dobro – Zbirka umjetničkih djela Dževada Hoze u Muzeju Unsko-sanskog kantona u Bihaću, FBiH;
4. Pokretno dobro – Fondovi i zbirke JU Arhiv Tuzlanskog kantona u Tuzli, FBiH;
5. Arheološko područje – Kasnoantička grobnica i ostaci sakralnog objekta na lokalitetu Studena Česma, općina Donji Vakuf, FBiH;
6. Arheološko područje – prapovijesna gradina, željeznodobne grobnice, rimsko naselje i nekropola i pokretno naslijeđe u Vašarovinama, Priluka, općina Livno, FBiH;

7. Grupa grobljanskih cjelina – Prahistorijski tumulusi, nekropole sa stećcima i nišanima u selu Sovići, općina Jablanica, FBiH;
8. Industrijska graditeljska cjelina električne centrale na Hridu (Dudinom Hridu) u Sarajevu, općina Stari Grad, FBiH;
9. Graditeljska cjelina – Utvrda Vrnograč u Vrnograču, općina Velika Kladuša, FBiH;
10. Historijska građevina – Banka na Obali (bivši Objekat Filijale austro-ugarske banke), općina Stari Grad Sarajevo, FBiH;
11. Historijska građevina – zgrada Narodne (Centralne) banke u Sarajevu, općina Centar sa pokretnom imovinom, FBiH;
12. Historijska građevina – zgrada Oficirskog doma u Travniku, FBiH;

Takođe Vas obavještavamo da je Komisija za očuvanje nacionalnih spomenika, na 47. sjednici donijela odluke kojima se utvrđuje da sljedeća dobra sa područja Federacije Bosne i Hercegovine ne ispunjavaju kriterije za proglašenje nacionalnim spomenikom Bosne i Hercegovine:

1. Džamija u Pribavi, općina Gračanica, FBiH;
2. Džamija u Donjoj Lohinji, općina Gračanica, FBiH

Prema odredbama Zakona o provođenju odluka Komisije za zaštitu nacionalnih spomenika uspostavljene prema Aneksu 8. Općeg okvirnog sporazuma za mir u BiH («Službene novine FBiH», br. 2/02, 27/02, 6/04 i 51/07), nacionalni spomenici uživaju najviši stepen zaštite u Federaciji BiH, a za implementaciju odluka Komisije odgovorni su federalni organi vlasti, a prije svega Vlada Federacije BiH i Federalno ministarstvo prostornog uređenja (nepokretna dobra). Ukoliko se odlukom proglašava pokretno dobro, za njeno provođenje nadležno je Federalno ministarstvo kulture i sporta, u skladu sa zakonom kojim se reguliše nadležnost federalnih organa uprave.

Shodno Aneksu 8. Općeg okvirnog sporazuma za mir u BiH i odredbama navedenog zakona, nadležni organi Federacije Bosne i Hercegovine, kantona, gradske i općinske službe, te sva druga pravna i fizička lica dužni su da se suzdrže od preduzimanja bilo kakvih radnji koje mogu oštetiti nacionalni spomenik ili dovesti u pitanje njegovu zaštitu i rehabilitaciju.

Odluke o proglašenju dobara nacionalnim spomenikom Bosne i Hercegovine objavljuju se u «Službenom glasniku BiH», nakon njihove dorade u skladu sa zaključcima Komisije i lektorisanja na bosanski, srpski i hrvatski jezik.

S poštovanjem,



Izvršni funkcioner

Mirela Mulalić Handan
Mirela Mulalić Handan

Co:

- vlasnicima dobara;
- podnosiocima peticije;